

Gvangjsih Minzcuz Bau

Cawiguenj: Gvangsiah Bouxcuengh Swcigh Minzcuz Cunghvau Swvu Veijvenzvei

Cawibanh: Gvangsiah Minzcuz Bause

Geiz neix 8 bani

广西民族报

Aenhauh okbanj: CN45-0036

B.2023

Nd.8

Ng.2

Liggaeuq gvejmaux nienz ndwenloeg cibroek

Geizsoq: Gungh daih 3583 geiz

Gvaeg Baujhoh Swnghdai Vwnzva Nyenz(Hozciz) Ndaej Senj Haeuj Mingzdan Guekgya Gaep

铜鼓文化(河池)生态保护区入选国家级名单

Vwnzva Caeuq Lijyouz Bu geiz ngoenz gonq goengbough le mingzdan ceiq moq gvaeg baujhoh swnghdai vwnzva guekgya gaep, ndaw mingzdan de miz gvaeg baujhoh swnghdai vwnzva nyenz (Hozciz) gih raeuz, baenz le haj aen gvaeg baujhoh daengx guek baez neix ndaej senj haeuj ndawde aen ndeu, hix dwg gvaeg baujhoh swnghdai vwnzva guekgya gaep youq gih raeuz

suenq aen dog ndaej senj haeuj.

Hozciz Si youq ranghdieg goekdaeuz ndaw gvaengxdieg faenbough vwnzva nyenz, dwg gvaegdieg ndeu youq daengx seiqgyaiq miz gij nyenz daj ciuhgonq cienz roengzdaeuj de ceiq lai, faenbough ceiq dei haeuj gawh(lai), seizneix vanzlij yungh ceiq hoengh, ndaej vuz haenh baenz "mbanjranz nyenz daengx seiqgyaiq". Gvaeg baujhoh

aeu rangh diegdah Dahhoengz guh gizgyang, doiq doenghgiej swnghdai vwnzva nangqdaengz gij sibsug aen nyenz faenbough deihaen, daegsaek lienggag, yienghsik caeuq ndawhamz lij caezcup caeuq gij hanghmoeg baenz daiyauj feihvuzciz vwnzva wng, daengx gvaengxdieg daengx-cungq bae baujhoh. Vunz lai comz-rengz bae baujhoh gyanghoeng vwnzva lajmbanj, gij gyanghoeng neix

baudaengz gyanghoeng vwnzva sibsug aen nyenz, gyanghoeng vwnzva ciet duzgvej, gyanghoeng vwnzva go biengz (fwen) Bouxcuengh, gyanghoeng vwnzva yisuz biujyenj, gyanghoeng vwnzva fapguh (dinfwngz) cojcienz daengj, gvaeg baujhoh neix hawj gih raeuz lai miz mbaw mingzben gyaeundeiz swnghdai vwnzva ndeu.

(Linz Seznaz)

Ningzmingz: Gvangjdungh Gvangjsih Gapguh Ciengq Gok Go Minzcuz Doxgiet Vuenyungz

宁明：粤桂协作唱响民族团结幸福歌



7 nyied 28 hauh banhaemh, aen "yizsiz heijguh ndwen guh yienghsaeh senhconz Gvangjdungh Gvangjsih baihoeng baihsae gapguh Sinhvei-Ningzmingz" youq gwnz gai ndaw Ningzmingz Yen Byaraiz Vwnhcnz Siujcin guh. Vunz lai ciengq go, diuq foux, boq senhconzben daengj bae guh yienghsaeh neix, baijok le Gvangj-Dungh Swngj Gyanghmwnz Si Sinhvei Gih caeuq Gvangjsih Cungzcoj Si Ningzmingz Yen gapguh gyawj song bi doxdaeuj haeujlaeg gvancez doeksaed gij cingsaenz youqgaenj Siz Ginbingz cungjsuhgi vixyinx baevah gyalae baihoeng baihsae gapguh baenzsaeh yienhda, ndeindei hawj vunz lai seizseiz laemxsim nyinh Cunghvaz Minzcuz dwg ranz ndeu.

(Luz Feih/陆飞)

Gih Raeuz Dieg Dajndaem、Moux Baenz、Gungh Ndaej Haeux Seizhah Cungj Gyalai

我区夏粮保持播种面积、单产、总产量“三增长”

Guekgya Dungigigiz baijok gij soq hawj vunz lai rox, Gvangjsih bineix dajndaem 180.15 fanh moux haeux seizhah, gya ndaem 3.15 fanh moux moq, gyahwnj 1.78%, youq daengx guek baiz daihbet; moux baenz haeux 160.95 goenggaen, moux lai ndaej

5.05 goenggaen, gyahwnj 3.24%, gij soq gyahwnj neix youq daengx guek baiz daihseiq; gyroebgyonj soundaej 29 fanh dun, lai ndaej 1.4 fanh dun, gyahwnj 5.07%, gij soq gyahwnj neix youq daengx guek baiz daihroek, baenzneix suenq cix laebdaeb bauj

hawj gij soq dieg dajndaem、moux baenz haeux、gungh soundaej de cungj gyalai.

Ciuq vunz gyoepsuenq gij soq nungzyez, bineix suenq daengz 7 nyied 25 hauh, daengx gih sou 1099.16 fanh moux haeuxnaz saujdau gvaq, ciemq gij soq dajndaem saujdau

bae 88.27%; dajndaem 630.14 fanh moux vanjdau gvaq, beij bi' gvaq caemhseiz lai ndaem 5.44 fanh moux. Riengzhaeux hom doh doenghnaz, neix yinxhwnj vunz lai deqmuengh baez-laeng youh ndaej haeux lai.

(Cinz Cing Ning Swhyauz Vangz Youcwngz Cinz Hungzyij)